



Heinricus ille ex pia & nobili familia à Vualpot apud Germanos natus erat. itaq; ab ijs in omnis generis uirtutibus educatus est. Erat autem ipse optima indole & magna corporis & animi fortitudine præditus. Itaq; pietatis ergò cum alijs Germaniæ proceribus Hierosolymam profectus ut rebus Christianorum laborantibus succurreret. Cum autem ibi potentiam hostium & Christianorū paucitatem intellexissent, nobiles Germani (uoto facto sese omni tempore cōtra impios pugnatos) Theutonicorū equitum ordinem instituerunt, atque hunc Heinricum uirtutis ergò suū Magistrum & ducem elegerunt. Itaq; Heinricus cum suis præ-

claris multa facinora contra impios ædidi, & in prælijs sæpe uictor, nutantem Christianorū in Syria Rempub. restituit. Cum autē regū Hierosolymitanorum dissidio Saladinus urbe sancta potiretur, Heinricus suum Collegiū & Hospitale S. Mariæ Anconam (quæ & Ptolomais dicitur) trāstulit, atq; eam urbem fortiter contra Sarracenos defendit, annò 1190. Effecit ergo ut multi principes & nobiles Germaniæ sua bona huic ordini conferrent, atq; ad eos profecti eū ordinem amplecterentur. Tandem Heinrico defuncto, Otto de Kerpen in officium summi Magistri substitutus est, anno 1200. Monst. in German. Vt autē horum Magistrorum successionem ad nostra tempora usq; intelligamus, eos ordine subiiciam.